



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

49. Reliqui[a]e S. Odili[a]e Huy tribus locis perhonorificé excipiuntur.

urn:nbn:de:hbz:466:1-12221

Utquè polo pariter fulgeret Odilia nostro,
Claruit effossâ, nobile nomen, humo.

Vocibus his *Ego sum*, quæ dicor, *Odilia*, Trino
Juncta Deo, cujus scedula (a) nomen habet.

(a) Vide pag 7. super Symb. 14. *Ego sum*. 1. div.

SYMBOLUM 49.

Reliquiæ S. Odiliæ Virginis ac Mart. Colonia Huyum allata, tribus locis ibidem perhonorificè excipiuntur. Primò in Parochiali Templo S. Petri. Deinde in collegiata Gloriosæ Virg. Mariæ Ecclesiâ. Tandem in Basilicâ PP. Cruciferorum, ubi multis claret miraculis, adversus pestem ac febres singularis Patrona. Ita noster Bannelius lib. de Transl. S. Odiliæ.

A Uspicio Triadis tua Martyr Odilia primùm
Æde sacrâ, memorant ossa recepta, Petro.

Inde (a) Coronatæ subeunt Capitolia Matris

Dum canitur Trino musica sueta Deo. *Te Deum &c.*

Sede Loco fixâ Claro, Patrona gravatos

(b) Peste levat, Fautrix civibus Hoya tuis.

(a) Ecclesia collegiata Hui est dedicata in honorem B. Virg. in cælum assumptæ. (b) Vide nostrum Russelium, & ex eo P. Crombach. *Ursule vindicata. tom. 2.*

SYMBOLUM 50.

*Tres Patroni Ordinis Sanctissimæ Crucis in memoriam SSS.
Trinitatis cœlitus dati.*

T Er geminis clarus fulget Crucis Ordo Patronis,
Illustrem statuit reddere clara Trias.

Quiriacus Solymæ Antistes, Regalis Helena,

Illa Crucem quærit, detegit ille Crucem.

(a)